

ইন্টারনেট এখন মানুষের মৌলিক চাহিদায় পরিণত হয়েছে : পলক

ইন্টারনেট এখন মানুষের মৌলিক চাহিদায় পরিণত হয়েছে। আমাদের লক্ষ্য, ২০২১ সালের মধ্যে শতভাগ মানুষকে ইন্টারনেট সেবার আওতায় নিয়ে আসা। এর প্রধান চালিকাশক্তি হিসেবে কাজ করবে দেশের তরুণ সমাজ। ৩ ডিসেম্বর জাতীয় প্রেসক্লাবের ভিআইপি লাউঞ্জে 'জাতীয় তথ্যপ্রযুক্তি বিতর্ক উৎসব ২০১৫-১৬' উদ্বোধনকালে প্রধান অতিথির বক্তৃতায় আইসিটি প্রতিমন্ত্রী জুনাইদ আহমেদ পলক এ কথা বলেন।

আইসিটি সচিব শ্যাম সুন্দর সিকদারের সভাপতিত্বে অনুষ্ঠানে সম্মানিত অতিথি ছিলেন যুব ও ক্রীড়া মন্ত্রণালয় বিষয়ক সংসদীয় কমিটির সদস্য নাহিম রাজ্জাক এমপি এবং ঢাবির গণযোগাযোগ ও সাংবাদিকতা বিভাগের অধ্যাপক রোবায়ত ফেরদৌস। জাতীয় তথ্যপ্রযুক্তি বিতর্ক উৎসবের রূপরেখা তুলে ধরেন আয়োজক সংস্থা ক্যাম্পাস টু ক্যারিয়ারের নির্বাহী সম্পাদক অঞ্জলি



সরকার ও বাংলাদেশ ডিবেট ফেডারেশনের সভাপতি সঞ্জীব সাহা। দেশের ৬৪টি জেলার শীর্ষস্থানীয় কলেজ ও বিশ্ববিদ্যালয়ের শিক্ষার্থীদের অংশগ্রহণে ১৬টি অঞ্চলে অনুষ্ঠিত হবে এ বিতর্ক উৎসব। ৪ ডিসেম্বর জাহাঙ্গীরনগর বিশ্ববিদ্যালয়ে ঢাকা অঞ্চলের প্রতিযোগিতার মাধ্যমে শুরু হয় এই উৎসব। 'তথ্য-যুক্তি-প্রযুক্তি' শ্লোগানে এ বিতর্ক উৎসব আয়োজন করছে বাংলাদেশ সরকারের আইসিটি ডিভিশন, বাংলাদেশ ডিবেট ফেডারেশন এবং ক্যাম্পাস টু ক্যারিয়ার।

ইউএপিতে অনুষ্ঠিত হলো সাইবার গেমিং প্রতিযোগিতা

গত ৯ থেকে ১৭ নভেম্বর ইউনিভার্সিটি অব এশিয়া প্যাসিফিকের (ইউএপি) কমপিউটার সয়েল অ্যান্ড ইঞ্জিনিয়ারিং (সিএসই) ডিপার্টমেন্টে অনুষ্ঠিত হয় সাইবার গেমিং প্রতিযোগিতা। এতে দুই শতাধিক ছাত্র-ছাত্রী অংশ নেয়। সাইবার গেমগুলোর মাঝে ফিফা ফুটবল, এনএফএস কার রেসিং ও কাউন্টার স্ট্রাইক ফার্স্ট পারসন শুটার গেম ছিল অন্যতম। সাইবার গেমিংয়ের তত্ত্বাবধানে ছিলেন সিএসই ডিপার্টমেন্টের প্রভাষক আহমেদ সাঈদ ফারুক ও মো: হাবিবুর রহমান। প্রতিযোগিতার সার্বিক তত্ত্বাবধানে থাকা প্রভাষক মোস্তা রাশিদ হোসেইন বলেন, এ ধরনের গেমিং প্রতিযোগিতা তরুণ ছাত্র-ছাত্রীদের মাঝে গেমিংয়ের নেশা নয়, বরং দৃষ্টিশক্তি, শ্রবণশক্তি ও বোধশক্তির তীক্ষ্ণতা বাড়াবে, দলগত কাজের প্রেরণা দেবে, সৃজনশীলতার বিকাশ ঘটাবে এবং পরিশেষে সমস্যা সমাধানে অধ্যবসায়ী হতে শেখাবে। তিনি আরও বলেন, আগামী বছরের শুরুতে ঘিন রোডে নবনির্মিত স্থায়ী সিটি ক্যাম্পাসে স্থানান্তরিত হওয়ার পর আরও বড় আকারে সাইবার গেমিং প্রতিযোগিতা আয়োজন করা হবে।



দেশের সব মানুষের জন্য ই-আইডি কার্ড চালুর আশাবাদ

পৃথিবীর উন্নত দেশের মতো বাংলাদেশেও মানুষকে সহজে সেবা দেয়ার লক্ষ্যে ইলেকট্রনিক আইডি (ই-আইডি) কার্ড চালুর আশাবাদ ব্যক্ত করা হয়েছে। ঢাকায় ১১তম গভনমেন্ট ডিসকাশন ফোরাম ফর ইলেকট্রনিক আইডেনটিটি-২০১৫ অনুষ্ঠানে এই আশাবাদ ব্যক্ত করা হয়। তথ্য ও যোগাযোগ প্রযুক্তি বিভাগ ও এশিয়া প্যাসিফিক স্মার্টকার্ড অ্যাসোসিয়েশনের (এপিএসসিএ) যৌথ উদ্যোগে আয়োজিত দুই দিনব্যাপী গভনমেন্ট ডিসকাশন ফোরামে অর্থমন্ত্রী আবুল মাল আবদুল মুহিত, আইসিটি প্রতিমন্ত্রী জুনাইদ আহমেদ পলক, আইসিটি সচিব শ্যাম সুন্দর সিকদার, এশিয়া প্যাসিফিক স্মার্টকার্ড অ্যাসোসিয়েশনের চেয়ারম্যান ভেরোনিকা পোটসহ বিশ্বের প্রায় ৫০টি দেশের প্রতিনিধি অংশ নেন।

আলোচনা সভার পাশাপাশি হোটেল সোনারগাঁওয়ে বিশ্বের প্রায় ২৬টি আন্তর্জাতিক খ্যাতিসম্পন্ন প্রযুক্তি প্রতিষ্ঠান স্মার্ট আইডি কার্ডসহ বিভিন্ন পণ্যের প্রদর্শন করে। পাশাপাশি বিশ্বের প্রায় শতাধিক স্মার্টকার্ড বিশেষজ্ঞ বিভিন্ন সেমিনার ও ওয়ার্কশপে অংশ নেন।

রাজশাহীতে আসুস মাদারবোর্ডের নলেজ শেয়ারিং প্রোগ্রাম অনুষ্ঠিত



গ্লোবাল ব্র্যান্ডের আয়োজনে গত ৭ নভেম্বর রাজশাহীতে অনুষ্ঠিত হলো 'প্রোডাক্ট ট্রেনিং প্রোগ্রাম' শীর্ষক কর্মশালা। এতে অংশ নেন গ্লোবাল ব্র্যান্ডের রাজশাহী ব্রাঞ্চার ডিলার প্রতিনিধিরা। কর্মশালাটি পরিচালনা করেন আসুসের কান্ট্রি ম্যানেজার জিয়াউর রহমান। তাকে সহযোগিতা করেন আসুসের পণ্য ব্যবস্থাপক মাহবুবুল গণি। এতে উপস্থিত ছিলেন গ্লোবাল ব্র্যান্ডের জেনারেল ম্যানেজার সমীর কুমার দাস। কর্মশালায় আসুসের ১০০ সিরিজ মাদারবোর্ডের অত্যাধুনিক এবং অনুপম বৈশিষ্ট্যগুলোর বিস্তারিত আলোচনা করা হয়। পাশাপাশি প্রেজেন্টেশন এবং ভিডিও ক্লিপিংয়ের মাধ্যমে বিক্রয়কর্মীদের প্রশিক্ষণ দেয়া হয়। অনুষ্ঠানটিতে গ্লোবাল ব্র্যান্ডের অন্যান্য কর্মকর্তা-কর্মচারী উপস্থিত ছিলেন।

ওয়ার্ল্ড ইউনিভার্সিটিতে সিএসই উৎসব

তথ্যপ্রযুক্তির নানা আয়োজনে ঢাকায় ওয়ার্ল্ড ইউনিভার্সিটি অব বাংলাদেশে অনুষ্ঠিত হয়েছে সিএসই উৎসব-২০১৫। ৪ ডিসেম্বর দুই দিনব্যাপী এ উৎসবের উদ্বোধন করেন তথ্যপ্রযুক্তি মন্ত্রণালয় জব্বার। উৎসবে বিভিন্ন সরকারি-বেসরকারি বিশ্ববিদ্যালয় ও উচ্চমাধ্যমিক পর্যায়ের শিক্ষার্থীরা অংশ নেন। এতে বিশ্ববিদ্যালয় পর্যায়ের শিক্ষার্থীরা অংশ নেন রোবটিক্স প্রতিযোগিতা, প্রজেক্ট শোকেসিং, আইটি অলিম্পিয়াড, গেমিং প্রতিযোগিতা এবং বিভিন্ন কর্মশালা ও সেমিনারে। কলেজ পর্যায়ের শিক্ষার্থীরা বিতর্ক প্রতিযোগিতা এবং আইটি অলিম্পিয়াডে লড়েছেন।

উদ্বোধনী অনুষ্ঠানে বক্তব্য দেন বিশ্ববিদ্যালয়ের উপাচার্য প্রফেসর আবদুল মান্নান চৌধুরী, ট্রাস্টি বোর্ডের সাধারণ সম্পাদক ড. মুশফিক এম চৌধুরী। এ সময় উপস্থিত ছিলেন বিশ্ববিদ্যালয়ের উপ-উপাচার্য অধ্যাপক ড. এম নুরুল ইসলাম, কোষাধ্যক্ষ মোর্শেদা চৌধুরী এবং সিএসই বিভাগের বিভাগীয় প্রধান কাজী হাসান রবিন।

ম্যাডভাইজারকে সিলিকন

ভ্যালিতে প্রশিক্ষণ দেবে ফেনক্স

স্টার্টআপদের আন্তর্জাতিক প্রতিযোগিতা সিডস্টারস ওয়ার্ল্ডের ঢাকা পর্বের বিজয়ী হয়েছেন ম্যাডভাইজার। প্রতিষ্ঠানটিকে সিলিকন ভ্যালিতে নিয়ে গিয়ে বিভিন্ন প্রতিষ্ঠান ভ্রমণ, প্রশিক্ষণসহ সহায়তায় পরিচর্যা করবে সিলিকন ভ্যালিভিত্তিক বিনিয়োগ প্রতিষ্ঠান ফেনক্স ভেঞ্চার ক্যাপিটাল। এ বিষয়ে বেসিস সভাপতি ও ফেনক্স ভেঞ্চার ক্যাপিটালের জেনারেল পার্টনার শামীম অহসান জানান, সিডস্টারস ওয়ার্ল্ড আয়োজনের প্রধান উদ্দেশ্য হচ্ছে তরুণ উদ্যোক্তাদের আন্তর্জাতিকভাবে প্রসার করার একটা প্ল্যাটফর্ম দেয়া। এই ভিশন নিয়েই বেসিস, ফেনক্স ভেঞ্চার ক্যাপিটাল, সিডস্টারসসহ সহযোগিতা করে প্রতিষ্ঠানগুলোকে নিয়ে এক সাথে বাংলাদেশের ইনোভেটিভ এন্টারপ্রেনারশিপ ইকো-সিস্টেম তৈরির জন্য কাজ করা হচ্ছে।

ফেনক্স ভেঞ্চার ক্যাপিটালের প্রধান নির্বাহী ড. আনিসউজ্জামান জানান, ফেনক্স ভেঞ্চার ক্যাপিটাল বাংলাদেশে সিলিকন ভ্যালির মতো আধুনিক উদ্যোক্তাদের উন্নত পদ্ধতি প্রণয়নে কাজ করছে। বাংলাদেশী উদ্যোক্তাদের আন্তর্জাতিক নেটওয়ার্কের অগ্রদূত আনতে ইতোমধ্যেই ফেনক্স ভেঞ্চার ২০০ মিলিয়ন ডলার বিনিয়োগের ঘোষণা দিয়েছে।

ইএসআই ফউন্ডেশনস অব বিজনেস

অ্যানালাইসিস ট্রেনিং সফলভাবে শেষ

আইবিসিএস-প্রাইমেক্সে গত ৫ থেকে ৭ সেপ্টেম্বর সার্টিফায়েড ইএসআই এক্সপার্ট ইন্সটিটিউট প্রশিক্ষক প্রবীণ মালিকের অধীনে ইএসআই ফউন্ডেশনস অব বিজনেস অ্যানালাইসিস ট্রেনিং অনুষ্ঠিত হয়। ২০ জন প্রফেশনাল প্রশিক্ষার্থীর সমন্বয়ে ব্যাচটি সফলভাবে শেষ করেছে। ডিসেম্বরে ইএসআই ফউন্ডেশনের দ্বিতীয় ব্যাচ অনুষ্ঠিত হবে। যোগাযোগ : ০১৭৩৩৩৩৩৩৩৩

ওরাকল

ইঞ্জিনিয়ারিং (ইএসসিবি) ওরাকল ১০টি ভর্তি চলছে। ক্লাস হয়। যোগাযোগ হবে। যোগাযোগ

আইটিআই

ও পর্ব আইবিসিআই আইটিআইএল পান্ডের অর্জন ট্রেনিং ও



প্রফেশনাল প্রশিক্ষণ শেষ করে অর্জন করেছেন আইটিআইএল অর্জন করেন অনুষ্ঠিত হবে

এসিএম পর্বে

বিশ্বের সর্বাধিক প্রতিযোগিতা প্রোগ্রামিং প্রতিযোগিতা চ্যাম্পিয়ন হয়ে (জাবি) 'জেইউ

ঢাকা পর্বে ১২১টি দল। অনুষ্ঠিত প্রতিযোগিতায় প্রায় ১০০০ জনের অংশ নেয়া হয়েছিল।

'জেইউ-অর্জনাধিক মো: নূরুল হক' নামের একটি সমস্যার

এছাড়া ছয়টি দ্বিতীয় ও তৃতীয় স্থান অর্জন করেছিল।

ইএসআইউ বাংলাদেশে থাইল্যান্ডে অনুষ্ঠিত হবে শীর্ষ দল

প্রতিযোগিতা স্তর করে রিচালক আহমেদ ইএসআইউর জাতীয়, এসিএম অধ্যাপক আবুল কালাম সিএম-আইসিবি অর্জন করে জাবি